



Projet promovût di 'La Vôs dai Furlans' e 'ARLeF'

Lu saveviso che...?



La bale tal zeî e je un sport di scuadre che si zuie cuntun balon narançon. Si à di butâ la bale intun "zeî", un cercli di fier cuntune rêt tor ator, picjât in alt tal cjamp di zûc. Par movisi si à simpri di fâ sbalçâ la bale par tiere cuntune man! Par fâ pont si à di fâle jentrâ

tal zeî e ae fin de partide al vinç cui che al à plui ponts. Te nestre regjon a son une vore di scuadris di bale tal zeî, ancje che a zuin tai campionâts talians plui impuartants! Fruts, se chest sport us plâs e o volês imparâlu, o podês tacâ cul minibasket!

Daria e Bete nus insegnin...



Vuê Daria e Desiree a van a fâ une lezion di prove di bale tal zeî. Ce emozion, no fidin la ore di imparâ alc su chest sport!

Cjalìn insieme la pontade di Maman! "Lezion di prove" su



Cumò fâs tu!

Trops sono? Cuntune linie met adun il dissen e il numar just

2	4	5	1	3	7	8	0
7	3	6	8	9	2	5	1

Piture il dissen!



Dilu in plui lenghis!



IL ZEÏ



THE BASKET



IL CESTO

Pagine curade dal Sportel Regjonâl pe Lenghe Furlane de



Vuelistu tornâ a viodi lis pontadis di Maman!?



ANCJE 'ON DEMAND' SU telefriuli

Cjale lis gnovis pontadis su telefriuli

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Tu âs voie di vê alc di siôr, no stâ a lassâ che chei altris a sielzedin par te.



Taur. Tu crodis simpri di rivâ a convinci chei altris, ma dispès ti disin di si dome par fâti un plasê.



Zimui. Un amî si spiete un consei impuartant di te, ma no tu sês ancjemò rivât a capî dulâ sburtâlu.



Gjambar. Tu âs di cjapâ une decision impuartante; dopre dut il timp che tu âs a dispozizion.



Leon. Tu crodevis di rivâ a no pensâ a une persone e invezit jê si met propit denant.



Vergjine. Sedi la vitorie, sedi la disfate no son mai plenis, tu âs di acetâ cheste regule.



Balance. Ancje se il partner ti fâs mateâ cuntune sò passion, visiti che lu fâs par amôr.



Sgarpion. Une cuistion ti somee une vore imberdeade e tal ultin al sarâ un parint a disberdeâle.



Sagjitari. No tu sês convint di une sielte fate pôc timp indaûr, ma cambiâ cumò al è masse tart.



Bec di mont. No tu âs avonde energjie par dutis lis robis che tu âs di frontâ, dopre ben lis tôs fuarcis.



Agarûl. Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



Pes. Tu âs domandât a cualchidun altri una man, no stâ a crodi che dopo nol vegni a domandâti un plasê indaûr.

